

Sarkina Bt Mat Saad @ Shaari

From: UUM CORPORATE COMM.
Sent: Wednesday, 3 June, 2020 7:51 PM
To: UUM - All Staff; UUM - All Students
Subject: 'Think out of the box' Untuk Bergerak Ke Hadapan



UUM Corporate Comm.
Universiti Utara Malaysia

3 JUN 2020 / 11 SYAWAL 1441H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Siti Fatimah Abdullah
Gambar oleh: Muhammad Shamsul Shafie

THINK OUT OF THE BOX UNTUK BERGERAK KE HADAPAN



UUM ONLINE: “*Think out of the box,*” demikian kata Pengerusi Lembaga Pengarah Universiti (LPU) UUM, Dato’ Prof. Dr. Sudin Haron apabila meminta penjawat universiti untuk berfikir langkah membawa UUM melangkah maju ke hadapan ketika Sesi Interaksi Pengerusi LPU serta Ahli LPU Bersama Penjawat UUM menerusi telesidang Webex, semalam.

Menurutnya, Covid-19 telah meninggalkan pelbagai kesan dan implikasi mendalam kepada urusan dan peranan universiti terutamanya kepada pelajar.

“Namun begitu, universiti tidak boleh menjadikan Covid-19 sebagai alasan untuk mengurangkan produktiviti sebagai institusi pengajian tinggi misalnya, aktiviti penulisan masih boleh dijalankan walaupun bekerja dari rumah.

“Kita mempunyai tanggungjawab untuk memastikan pihak pengurusan dan pentadbiran sentiasa patuh mengikut peraturan dan menjalankan tugas dengan lancar,” katanya.

Beliau berkata, impak Covid-19 kepada universiti awam dilihat dari segi keberkesanan pengajaran dan pembelajaran (PdP) secara *online* kepada pelajar, produktiviti akademik dalam aspek penerbitan dan penyelidikan, implikasi kepada pelajar antarabangsa, aspek kewangan, masalah kepada pelajar seperti kurang berjaya.

Menurutnya, sesi interaksi itu adalah platform kepada ahli LPU dan penjawat UUM untuk mengutarakan situasi semasa universiti terutamanya dari aspek PdP, aktiviti penyelidikan dan penerbitan, keadaan kewangan universiti serta bagaimana universiti memantau produktiviti staf sepanjang tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB) serta apa jua idea yang boleh memajukan Universiti.

“Semua isu ini amat serius dan perlu diberi perhatian dari semua penjawat, justeru kita perlu berfikir secara luar kotak walaupun perkara itu mungkin merupakan satu perkara yang luar biasa.

“Kita amat prihatin tentang penjawat yang kurang memahami tentang peraturan dan perlembagaan universiti, selain ingin melihat bagaimana tadbir urus yang dibuat dengan lebih baik demi perkembangan universiti,” katanya.

Beliau berkata, universiti tidak lagi boleh berfikir dengan cara yang statik tetapi perlu berfikir bagaimana untuk semua bergerak ke hadapan dengan lebih kreatif supaya apabila berakhirnya pandemik Covid-19 nanti, universiti dapat terus bergerak lebih pantas untuk mencapai sasaran yang ditetapkan seperti yang termaktub dalam Pelan Strategik UUM.

Pada sesi yang disertai kira-kira 80 penjawat itu, beliau telah merakamkan penghargaan kepada Naib Canselor dan semua staf terutamanya ‘frontliners’ yang bekerja keras dalam menangani isu PKP dan PKPB.



Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.